

## Takurda-o Burus o wu gene Pirimõn

Rem-se ro n-me à:

M-zante 1-3

Bom un Pirimõn 4-7

Kone un Onesimus us-kon 8-22

Ur-kom 23-25

### Ur-gas

<sup>1</sup> Ka takurda-o un rwuun be un de Burus, wu ro ke'o à, ha-mo un be-ur Pirimõn. A un ka me remen um rworog ma-ut Kiristi\* Yeso to ur-bon. Me un Timoti ne or na ro wo m-gas.

Pirimõn wo ko-nay-wu, komo or te n-me un senge-m Kiristi. <sup>2</sup> Te komo m-gas un yan-dor Yeso, ye ro m-morge un hur-o ru remen bongon-de Shir à. Tomso te m-gas un or na ne'a, jin-de un wu Apiya, un Arkibus ko-karma be-de un rwor un Ma-to m-Rerem to ma Kiristi.†

<sup>3</sup> Um konog Shir Tato na un Wan-Koyan ne Yeso Kiristi, ye ye'et no m-yar un gwugwu-mo ur-hur ne.

### Was-m Pirimõn m-sher ne

<sup>4</sup> Or re Pirimõn, ko o ke da-o um kone, me wo m-tan um 'ye Shir re ur-bongon, <sup>5</sup> remen um hogute wo m-was un hun-ne ye Shir ne kap, m-sher ne mo wotte à, be-ur Wan-Koyan Yeso. <sup>6</sup> Kon-us re se ro, morog-ur no de ur-bon de un yan-dor o un Kiristi, de gu wo o nept rii-yo ur-bon, yo o yoose be-ur Yeso Kiristi. <sup>7</sup> Wan-henem re, was-m ru ya'ag me o-zak un caari-o un jaab-o ut-men ne! Men-to un yan-dor nomog o-zak rem ru.

\* 1:1 1:1 Wu Shir daagne à. † 1:2 1:2 Hyen komo: Koro 4:17.

*Us-kõn rem Onesimus*

<sup>8</sup> Remen kaane, rem Kiristi, man nom jaab-o ut-men, um rurutu wo yo o he nom yo depe à untun wan-dor. Amba man gaktu wo á, <sup>9</sup> remen me wo m-was. Me, Burus, ko-mõng kane ke'o, rem Kiristi Yeso, um jiište m-con um kon wo. <sup>10</sup> Me wo us-kõn o nome Onesimus<sup>‡</sup> rii-yo ur-bon, wu warge wà re bo um ro ke'o à.<sup>§</sup> <sup>11</sup> N-ga wu ro hwaà be un du, amba m-mõka ko-yan-gwu-wu be un du un me ne.

<sup>12</sup> Me wu m-muutbe be un du, amba hur un de ro be-de un wu. <sup>13</sup> Bo um ro ke'o kane à, remen rworu un Ma-ut m-Rerem à, um ro conog um yagu wu kane un me ne remen wu guut me un suge un du. <sup>14</sup> Kap un kaane ne, me con um ru wo nom un yo ken rii-yo ba wo un con á. Amba man cun o nom yo un con-m ru ba m-gakte. <sup>15</sup> O ken da-o, Onesimus ro wongute un wo ne un ya o-da hiin, remen o doot wu m-goks ba m-ta. <sup>16</sup> Wo goks wu untun ko-guw á, amba arge kaane, gwot wu untun or ru ko-yan-dor, wu o cone à. Me wu m-was deen. Depete o was un wu ne arge kaane, un es-de un wu ko-guw-wu Shir, un wu shere ne be-ur Wan-Koyan à.

<sup>17</sup> Un kaane, urege wo us-barag, me or ru wu, goks Onesimus bo o he me m-goks à. <sup>18</sup> Urege Onesimus nomotu wo ur-ba'as, sokse wu. Urege wo wu m-dore ur-moog, muut ka moog-de un hi un de. <sup>19</sup> Me genbe un kom-ut re: Me, Burus, man topso wo kap yo wo Onesimus m-dore à. (Man nom ma-to un hoog pu-o, o o kume be un de á.) <sup>20</sup> Un kaane heno re, hakkure, um konog yo ka be un du, rwõ men-ut re nom m-gwugwu! Nom yo ka remen jin-ur Wan-Koyan na, na hen-ne ye be-ur Kiristi.

<sup>21</sup> Um nepse dorotte-o ru, wõa nom har ma arge yo um kone wo à. <sup>22</sup> Komo har m-mõka, kum o-kuke rem re n-me

<sup>‡</sup> 1:10 1:10 Jin-ur Onesimus de ro "Net so-wu." <sup>§</sup> 1:10 1:10 Hyen komo: Koro 4:9.

un hur-o ru, remen me o-sakto, Shir a goks kon-us no kap wu muutbu me be-ur no.

*Gas-de ur-kom*

<sup>23</sup> Epararas, wu ro ke'o un me ne à, remen wu ro un dor Kiristi Yeso, tombutu wo gas-de un wu.\* <sup>24</sup> Kaane komo or re ne yan-senge-mo un rworu un ma-ut Yeso, Markus, un Aristarkus, un Dimas, un Ruka ne, or re ne n-me m-senge ye wo ur-gas.†

<sup>25</sup> Yar-mo Wan-Koyan Yeso Kiristi ma'as un wo ne!

---

\* 1:23 1:23 Hyen komo: Koro 1:7; 4:12. † 1:24 1:24 Hyen komo: Seng 12:12,25; 13:13; 15:37-39; 19:29; 27:2; Koro 4:10,14; 2Tim 4:10-11.

## ut-Hun New Testament

Hun-Saare: ut-Hun New Testament New Testament

copyright © 2017 Wycliffe Bible Translators, Inc.

Language: Hun-Saare

Contributor: WBT Central Zone

© 2017 Wycliffe Bible Translators, Inc. in cooperation with the Ut-Hun Bible Translation Project All rights reserved. The New Testament in ut-Hun (Eastern Dukawa)

All rights reserved.

2020-11-17

---

PDF generated using Haiola and XeLaTeX on 14 Jun 2022 from source files dated 30 Nov 2021

4b40cd80-7cb8-5d3d-8563-557f030f99d7